

ք.Երևան

<<20 >> փետրվար 2015թ.

«ՔՐՈՍՄԱՆԹ» սահմանափակ պատասխանատվությամբ ընկերություն
Լիցենզիա № 0516, տրված ՀՀ հանրային ծառայությունները կարգավորող հանձնաժողովի կողմից՝
18.02.2009թ.

Հասցե՝ ք.Երևան, Կոբյունի 7, բն. 3

ՀՎՀՀ՝ 01834381

Հ/Հ՝ 16048097516001

Բանկ՝ «ՎՏԲ-Հայաստան Բանկ» ՓԲԸ

ՀՀ ԿԱ անշարժ գույքի կադաստրի պետական կոմիտեի աշխատակազմ
պետական կառավարչական հիմնարկ

Հասցե՝ ք.Երևան, Արշակունյաց 7

ՀՀ ՖՆ գործառնական վարչություն

Հ/Հ՝ 900013220026

ՀՎՀՀ՝ 02534328

Հեռախոսային ծառայությունների մատուցման պայմանագիր ՀԻՄՆԱԿԱՆ ՊԱՅՄԱՆՆԵՐ

Հեռախոսային ծառայությունների մատուցման պայմանագիրը կազմված է ստորև բերվող պայմաններից (այսուհետ՝ Հիմնական պայմաններ) և Հատուկ պայմաններից: Ստորև բերվող Հիմնական պայմանները կարգավորվում են «Քրոսսանթ» սահմանափակ պատասխանատվությամբ ընկերության (այսուհետ՝ Օպերատոր) կողմից, ներառյալ բոլոր իրավահաջորդների և լիազորված անձանց կողմից Բաժանորդին հիմնական և լրացուցիչ հեռախոսային ծառայությունների մատուցման հետ կապված իրավահարաբերությունները:

Հիմնական հասկացություններ

Հեռախոսային ծառայությունների մատուցման պայմանագիր (Պայմանագիր)՝ Օպերատորի և Բաժանորդի միջև կնքված՝ հեռախոսային ծառայություններ մատուցելու պայմանները, նրանց իրավունքներն ու պարտականությունները սահմանող փաստաթուղթ, որը կազմված է Հիմնական և Հատուկ պայմաններից.

Բաժանորդը Հատուկ պայմաններում նշված ցանկացած իրավաբանական կամ ֆիզիկական անձ, որը Պայմանագրի հիման վրա օգտվում է Օպերատորի մատուցած հիմնական և լրացուցիչ հեռախոսային ծառայություններից:

Կանոններ՝ ՀՀ հանրային ծառայությունները կարգավորող պետական հանձնաժողովի (այսուհետ՝ ՀԿՄՀ) կողմից 20.05.2008թ. թիվ 272-Ն որոշմամբ հաստատված Հեռախոսային ծառայությունների մատուցման և այդ ծառայություններից օգտվելու կանոնները.

հիմնական հեռախոսային ծառայություններ

1) հեռախոսի տեղադրման (հեռախոսացանցին միացման) ծառայությունը.

2) տեղական, միջքաղաքային և միջազգային հեռախոսային ծառայությունները.

լրացուցիչ հեռախոսային ծառայություններ՝ Կանոններով սահմանված անվճար և բաժանորդի ցանկությամբ Հատուկ պայմաններով սահմանված անվճար և վճարովի ծառայություններ.

հաշվարկային ժամանակաշրջան՝ օրացուցային ամիս, որի ընթացքում մատուցվել են հեռախոսային ծառայությունները.

անջատում՝ հիմնական հեռախոսային ծառայությունների սահմանափակում կամ կասեցում, ինչպես դա սահմանվում է «Էլեկտրոնային հաղորդակցության մասին» ՀՀ օրենքի և Կանոնների դրույթներով.

հեռախոսացանց՝ տեխնոլոգիական շինությունների, սարքավորումների, մայրուղային, բաշխիչ ցանցերի մալուխային (ստորգետնյա կամ օդային) զծերի, ռադիոներթափանցման սարքավորումների ամբողջություն, որոնք հիմնականում նախատեսված են հեռախոսային ծառայությունների մատուցման համար.

1. Պայմանագրի առարկան

1.1. Բաժանորդը հանձնարարում է, իսկ Օպերատորը պարտավորվում է իր հեռախոսային ցանցի



միջոցով Բաժանորդին մատուցել հիմնական և լրացուցիչ հեռախոսային ծառայություններ, իսկ Բաժանորդը պարտավորվում է Պայմանագրով սահմանված կարգով և ժամկետներում վճարել մատուցված հեռախոսային ծառայությունների համար:

1.2. Բաժանորդին մատուցվող հիմնական և լրացուցիչ հեռախոսային ծառայությունները թվարկվում են սույն Պայմանագրի Հատուկ պայմաններում:

2. Վճարման կարգը և ժամկետները

2.1. Բաժանորդին հեռախոսային ծառայությունները մատուցվում են համաձայն Պայմանագրի Հատուկ պայմաններում նշված տեսակների և սահմանված համապատասխան սակագների:

2.2. Մատուցված հեռախոսակապի ծառայությունների դիմաց վճարումը կատարվում է համաձայն Օպերատորի կողմից ներկայացվող հանձման-ընդունման արձանագրության (Հավելված N2) և հաշիվ-ապրանքագրերի: Հաշիվ-ապրանքագրերում ներառվող մատուցված ծառայությունների ծավալը որոշվում է Օպերատորի բիլինգային համակարգի գրանցումների հիման վրա, որոնք արտացոլում են հաշվարկային ժամանակաշրջանում փաստացի տեղի ունեցած կապի սեսիսների տևողությունը՝ դրամական համարժեք արտահայտմամբ: Բաժանորդն ընդունում է, որ Օպերատորի Բիլինգային համակարգի նշված գրանցումները/տվյալները հանդիսանում են Բաժանորդին մատուցվող հեռախոսային ծառայությունների և դրանց ծավալների մասին անժխտելի ապացույց, և որ ծառայությունների մատուցման փաստը և ծառայությունների ծավալը լրացուցիչ ապացուցման ենթակա չեն:

2.3. Բաժանորդն իրեն մատուցած Ծառայության դիմաց վճարում է անկանխիկ՝ դրամական միջոցները Օպերատորի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձման-ընդունման արձանագրության (Հավելված N2) հիման վրա N1 հավելվածի վճարման ժամանակացույցով նախատեսված ամսում, (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Աշխատանքի դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 2015թ. դեկտեմբերի 25-ը:

2.4. Մատուցված հեռախոսային ծառայությունների հաշիվները ուղարկվում են Բաժանորդին՝ հաշվարկային ժամանակաշրջանին հաջորդող ամսվա 5-րդ օրից սկսած, բայց ոչ ուշ, քան 15-ը: Օպերատորի կողմից մատուցված հեռախոսակապի ծառայությունների դիմաց հաշվարկված գումարները Բաժանորդը պարտավոր է վճարել մինչև հաշվարկային ժամանակաշրջանին հաջորդող ամսվա 22-րդ օրը:

2.5. Բաժանորդը սույնով համարվում է տեղեկացված, որ Հատուկ պայմաններով սահմանված հեռախոսային ծառայությունների սակագները կարող են փոփոխվել: Օպերատորը սակագների փոփոխությունների մասին Բաժանորդին տեղեկացնում է ոչ ուշ, քան նոր սակագների ներդրումից 30 օր առաջ, բացառությամբ սակագների նվազեցման դեպքերի: Հեռախոսային ծառայությունների սակագնի յուրաքանչյուր նվազեցման մասին ծառայություններ մատուցողը պարտավոր է Բաժանորդին տեղեկացնել ոչ ուշ, քան այն կիրառելու օրվանից երեք օր առաջ: Սույն կետի իմաստով տեղեկացումը համարվում է պատշաճ, եթե այն կատարվել է գրավոր՝ Պայմանագրի պահանջներին համապատասխան: Կողմերը համաձայն են, որ նոր սակագների ներդրման դեպքում նոր պայմանագրեր առանձին չեն ստորագրվում: Սակագների փոփոխության դեպքում Օպերատորն այդ մասին տեղեկացնում է Բաժանորդին: Եթե բաժանորդը համաձայն չէ նոր սակագների հետ, ապա այդ մասին գրավոր տեղեկացնում է Օպերատորին և պայմանագիրը կհամարվի լուծված:

3. Օպերատորի պարտականությունները և իրավունքները

3.1. Օպերատորը պարտավոր է՝

3.1.1. Ելնելով գործող տեխնիկական և տեխնոլոգիական հնարավորություններից ապահովել կայուն և անխափան հեռախոսային ծառայություններ:

3.1.2. Իր ցանցի սահմաններում երաշխավորել անվտանգությունը և ապահովել հեռախոսային խոսակցությունների գաղտնիությունը, ինչպես նաև տրամադրված սարքավորումների երաշխիքային սպասարկման շրջանակներում փոխհատուցել դրանց անվտանգության պատշաճ որակի չպահպանման հետևանքով Բաժանորդի կրած ծախսերը:

3.1.3. Կազմակերպել անսարքությունների վերաբերյալ Բաժանորդից տեղեկությունների ստացումը և ողջամիտ ժամանակահատվածում վերացնել այդպիսի թերությունները:

3.1.4. Ոչ Բաժանորդի մեղքով ծառայությունների ընդհատման դեպքում ընդհատման պատճառի վերացումից հետո երկու օրվա ընթացքում վերականգնել Բաժանորդին մատուցվող ծառայությունը:

3.1.5. Վերսկսել հեռախոսային ծառայությունների մատուցումը սահմանափակման կամ կասեցման հիմքերը վերանալուց հետո ոչ ուշ, քան 24 ժամվա ընթացքում, բացառությամբ Հիմնական պայմանների 3.2.3. կետով նշված ժամկետի լրանալու պարագայում ընդհանուր հիմունքներով երբ տեղադրում իրականացնելու դեպքի:

3.1.6. Սույն պայմանագրի կատարման (կանխավճարի) ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Բաժանորդին:

3.2. Օպերատորն իրավունք ունի՝

3.2.1. Անջատել Բաժանորդային հեռախոսակապը, եթե՝

- ա) Բաժանորդը ժամանակին չի վճարել մատուցված ծառայությունների դիմաց.
- բ) Բաժանորդը հեռախոսացանցին միացրել է չսերտիֆիկացված վերջնակետային սարքավորումներ.
- գ) Բաժանորդը հեռախոսացանցին միացրել է այնպիսի վերջնակետային սարքավորումներ, որոնք համատեղելի չեն կամ միջամտում են հեռախոսացանցի աշխատանքին կամ հանրային էլեկտրոնային հաղորդակցության ծառայություններից օգտվելու՝ ուրիշների հնարավորությանը.
- դ) Անջատումը սահմանափակումը կամ կասեցումն անհրաժեշտ է սարքավորումների կամ գծի ենթակառուցվածքների տեղադրման, վերանորոգման, փոխարինման կամ պահպանման համար.
- ե) Բաժանորդը խախտում է Օպերատորի ներկայացրած սակագնի պայմանները կամ Պայմանագիրը.
- զ) Օպերատորը հայտնաբերում է, որ Բաժանորդը ոչ ճիշտ տվյալներ է ներկայացրել տվյալ ծառայությունների համար դիմելիս, և այդ տվյալները կարող են վնասակար լինել.
- է) Օպերատորի և Բաժանորդի միջև համաձայնեցված ծառայությունների մատուցման ժամկետն ավարտվել է:

3.2.2. Մատուցված հեռախոսային ծառայությունների դիմաց Հիմնական պայմանների 2.3 կետով նախատեսված ժամկետում Բաժանորդի կողմից անհրաժեշտ վճարումներ չկատարվելու դեպքում սահմանափակել Բաժանորդի կողմից ելքային զանգեր կատարելու հնարավորությունը՝ բացառությամբ ոստիկանություն, շտապ բուժօգնություն, հրշեջ և փրկարարական ծառայություններ, օպերատիվ արձագանքման կենտրոն, ինչպես նաև Օպերատորին զանգահարելու հնարավորության՝ կրան ընձեռելով միայն մուտքային զանգեր ստանալու հնարավորություն: Մինչև հաշվարկային ժամանակաշրջանին հաջորդող ամսվա 31-ը ներառյալ Բաժանորդի վճարումները չստանալու դեպքում Օպերատորն իրավունք ունի ժամանակավորապես երկկողմանի անջատել հեռախոսակապը (այսինքն՝ կասեցնել մուտքային զանգեր ստանալու և ելքային զանգեր կատարելու հնարավորությունը): Անջատման օրվանից հետո մեկ ամսվա ընթացքում եթե Բաժանորդը կրկին չի կատարում իր վճարումները, Օպերատորն իրավունք ունի տվյալ ամսվա վերջին օրը միակողմանիորեն ժամանակավորապես կասեցնել սույն Պայմանագիրը՝ 6 ամիս ժամկետով: Այդ ժամանակահատվածում Բաժանորդի կողմից վճարումներ չկատարվելու դեպքում Օպերատորն իրավունք ունի միակողմանիորեն լուծել սույն Պայմանագիրը և կատարել օրենսդրությամբ չարգելված բոլոր գործողությունները պարտքերի բռնագանձման և Բաժանորդին տրամադրված սարքավորումները հետ ստանալու ուղղությամբ, այդ թվում՝ դատական կարգով:

3.2.3. Սույն Պայմանագրի լուծման օրվանից վեց ամիս անց Օպերատորն իրավունք ունի սույն Պայմանագրով Բաժանորդին տրամադրված հեռախոսահամարը տրամադրել մեկ այլ բաժանորդի:

3.2.4. Հեռախոսահամարի հանման օրվանից 2 (երկու) ամսվա ընթացքում, Բաժանորդի կողմից պարտքերը չմարելու և վերականգնման միանվագ ծառայության վարձը չվճարելու դեպքում, հեռախոսակապի ծառայությունների մատուցումը (ևոր տեղադրում) իրականացվում է ընդհանուր հիմունքներով՝ հեռախոսակապի ծառայությունների դիմաց նախկին պարտքերը մարելու դեպքում:

3.2.5. Մինչև Պայմանագրով հեռախոսային ծառայությունների մատուցման դադարեցումը հաշվարկել և գանձել բաժանորդային վարձը:

3.2.6. Անմիջապես, առանց ծանուցման անջատել Բաժանորդի հեռախոսահամարը և /կամ/ դադարեցնել հեռախոսային ծառայությունների մատուցումը, եթե Բաժանորդը խախտել է սույն Հիմնական պայմանների 3.2.1. կետի «բ» և «գ» ենթակետերի պահանջները: Ընդ որում՝ Հիմնական պայմանների 5.6 կետում նշված պահանջի խախտումը կողմերը դիտարկում են որպես Հիմնական պայմանների 3.2.1. կետի «գ» ենթակետի խախտում:

3.2.7. Կանոններով սահմանված կարգով, հեռախոսացանցի միջոցով տեղեկացնելով Բաժանորդին իրականացնել Հիմնական պայմանների 3.2.1. կետի «ա», «դ», «ե», «զ» և «է» ենթակետերում բերվող հիմքերով անջատումները:

4. Բաժանորդի պարտականությունները և իրավունքները

4.1. Բաժանորդը պարտավոր է՝

4.1.1. Մատուցված հեռախոսային ծառայությունների համար վճարումները կատարել լրիվ ծավալով Հիմնական պայմաններով սահմանվող ժամկետներում:

4.1.2. Վճարել մատուցված հեռախոսային ծառայությունների համար նաև այն դեպքում, երբ Բաժանորդային (վերջնային) սարքավորումը օգտագործվել է այլ անձանց կողմից՝ անկախ այն բանից համաձայնեցվել է Օպերատորի հետ, թե՛ ոչ:

4.1.3. Չփոխանցել սույն պայմանագրի 1-ին բաժնում նշված կապի միջոցներն այլ անձանց (որևէ քաղաքացիաիրավական պայմանագրի հիման վրա կամ առանց այդպիսի հիմքի), այդ թվում՝ չխախտել Հիմնական պայմանների 5.6. կետի պահանջները:

4.1.4. Կատարել ՀՀ օրենսդրության և Պայմանագրի պահանջները:

4.1.5. Սարքին և անվանս վիճակում պահել Օպերատորի կողմից տրամադրված և նրա սեփականությունը հանդիսացող վերջնակետային և/կամ այլ սարքավորումները, դրանց վնասման դեպքում Օպերատորին հատուցելով այդ սարքավորումների արժեքը՝ հաշվի առնելով մաշվածությունը:

4.2. Բաժանորդն իրավունք ունի՝

4.2.1. Հրաժարվել վճարելու այն հեռախոսային ծառայությունների համար, որոնք նախատեսված չեն Պայմանագրով:

4.2.2. Օգտվելու ՀՀ օրենքներով և այլ իրավական ակտերով հեռախոսային ծառայությունների ոլորտում սահմանված արտոնություններից:

4.2.3. ՀՀ օրենսդրությամբ սահմանված դեպքերում պահանջելու հեռախոսային ծառայությունների համար վճարման վերահաշվարկ կամ այդ ծառայություններից հետագայում չօգտվելու դեպքում՝ վճարված դրամական միջոցների վերադարձ:

4.2.4. Ծառայությունների մատուցման ընթացքում Օպերատորի մեղքով առաջացած թերություններ հայտնաբերելիս պահանջել հեռախոսային ծառայությունների մատուցման կանոնների խախտումների անհատույց վերացում:

4.2.5. Օգտվել ՀՀ օրենքներով նախատեսված այլ իրավունքներից:

5. Կողմերի պատասխանատվությունը և այլ պայմաններ

5.1. Օպերատորն օրենսդրությամբ և Պայմանագրով սահմանված կարգով պատասխանատվություն է կրում Բաժանորդի հանդեպ պայմանագրային պարտավորությունները չկատարելու կամ ոչ պատշաճ կատարելու, հեռախոսակապի խափանումները վերացնելու ժամկետները խախտելու համար:

5.2. Բաժանորդը պատասխանատվություն է կրում իր մեղքով հեռախոսակապի բաժանորդային տերմինալի կամ Օպերատորի սեփականությունը հանդիսացող այլ սարքավորումները եւ/կամ/ մալուխները վնասվելու կամ ոչնչանալու դեպքում՝ դրանց արժեքի չափով՝ հաշվի առնելով մաշվածությունը: Ընդ որում՝ սարքավորումների և/կամ/ մալուխների փոխարինման ծախսերը նա վճարվում/փոխհատուցվում/ են Բաժանորդի կողմից:

5.3. Օպերատորը պատասխանատվություն չի կրում Պայմանագրով սահմանված ժամկետների խախտման համար, եթե դրանք տեղի են ունեցել կամ կատարման անհնարինությունն առաջացել է ոչ իր մեղքով:

5.4. Կողմերը պատասխանատվություն չեն կրում պայմանագրային պարտավորությունները չկատարելու համար, եթե դրանք հետևանք են անհաղթահարելի ուժի եւ/կամ/ անկանխատեսելի հանգամանքների (բնական աղետներ, պատերազմներ, ՀՀ նախագահի հրամանագրեր և ՀՀ կառավարության որոշումներ և այլն): Նման դեպքերից որևէ մեկի վրա հասնելու դեպքում, Կողմերն այդ մասին պետք է անմիջապես տեղեկացնեն միմյանց: Եթե անկանխատեսելի հանգամանքների ազդեցությունը շարունակվում է երեք ամսից ավել, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին ծանուցելով մյուս կողմին:

5.5. Օպերատորը պատասխանատվություն չի կրում բաժանորդային (վերջնային) սարքավորումների անսարքությունների կամ չսերտիֆիկացված վերջնային սարքավորումների օգտագործման հետևանքով հեռախոսակապի խափանումների համար:

5.6. Օպերատորի կողմից հեռախոսային ծառայությունները մատուցվում են (այսինքն՝ հեռխոսահամարները տրամադրվում են) միայն Հայաստանի Հանրապետության /22/ տարածքում: Հեռախոսահամարի տրամադրումը ենթադրում է դրա օգտագործումը միայն ՀՀ տարածքում, հակառակ դեպքում Օպերատորն իրավունք ունի միակողմանի, առանց զգուշացման կատարել հեռախոսահամարի անջատում: Սույն կետը չի վերաբերում հեռախոսահամարից զանգերի կատարման ուղղություններին

(այսինքն՝ միջազգային գանգեր կատարելուն):

5.7. Պայմանագրով նախատեսված դրույթները խախտող Կողմը պատասխանատվություն է կրում ՀՀ օրենսդրությամբ սահմանված կարգով:

5.8. Օպերատորի և Բաժանորդի միջև Պայմանագրի առնչությամբ առաջացած վեճերն ու տարաձայնությունները կարգավորվում են բանակցությունների միջոցով, իսկ համաձայնություն ձեռք չբերելու դեպքում Կողմերը գալիս են արբիտրաժային համաձայնության առ այն, որ սույն պայմանագրի շուրջ ծագած բոլոր վեճերի լուծումը, բացառելով ընդհանուր իրավասության դատարանների ենթակայությունը, հանձնվելու է Հայաստանի բանկերի միության «Ֆինանսական արբիտրաժ» հիմնարկին՝ «Առևտրային արբիտրաժի մասին» ՀՀ օրենքին, ՀԲՄ «Ֆինանսական արբիտրաժ» կանոնադրությանը և «Ֆինանսական արբիտրաժի կանոնակարգին» համապատասխան: Կողմերը սահմանում են, որ Արբիտրների կազմը ձևավորվում է «Ֆինանսական արբիտրաժի կանոնակարգի» համաձայն: Արբիտրաժային դատավարության լեզուն հայերենն է, արբիտրաժի վայրը՝ ք. Երևանը: Կողմերը պայմանավորվում են, որ վեճի քննությունը կիրականացվի միայն գրավոր նյութերի հիման վրա՝ առանց բանավոր քննության անցկացման: Կողմերը տեղեկացվում են, որ ՀԲՄ «Ֆինանսական արբիտրաժ» կանոնադրությանը և «Ֆինանսական արբիտրաժի կանոնակարգին» կարող են ծանոթանալ Հայաստանի բանկերի միության կայքից՝ www.uba.am: Վեճերը լուծվում է Հայաստանի Հանրապետության նյութական իրավունքի նորմերի համաձայն:

5.9 Օպերատորը պատասխանատվություն է կրում Շառայության մատուցման՝ սույն պայմանագրի պահանջների պահպանման համար:

5.10 Սույն պայմանագրի պահանջներին չհամապատասխանող Շառայություն մատուցելու յուրաքանչյուր դեպքում Օպերատորից գանձվում է տուգանք՝ պայմանագրով նախատեսված գումարի 0,5 (զրո ամբողջ հինգ տասներդասական) տոկոսի չափով:

5.11 Սույն պայմանագրով նախատեսված Շառայության մատուցման ժամկետը խախտելու դեպքում Օպերատորից յուրաքանչյուր ուշացված օրվա համար գանձվում է տույժ՝ մատուցման եթական, սակայն չմատուցված Շառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Շառայություն մատուցելու արդյունքում Օպերատորին վճարման ենթակա գումարների հետ:

5.12 Բաժանորդի կողմից սույն պայմանագրով նախատեսված ժամկետի խախտման դեպքում Օպերատորի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.13 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.14 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. Գաղտնիություն

6.1. Օպերատորը պարտավոր է Բաժանորդի կողմից օգտագործվող ծառայությունների տեսակի, վայրի, նպատակի, նպատակակետի, քանակի և տեխնիկական պայմանների վերաբերյալ տեղեկությունները համարել և պահել գաղտնի:

6.2. Օպերատորն իրավասու է բացահայտել այդ տեղեկությունները՝

1) օրենքով նախատեսված դեպքերում և կարգով՝ քրեական հանցագործության կամ ազգային անվտանգության նկատմամբ որևէ սպառնալիքի հետախուզման, հետաքննման կամ քրեական հետապնդման առնչությամբ.

2) բաժանորդի գրավոր համաձայնության հիման վրա.

6.3. Օպերատորը պատասխանատվություն չի կրում Հիմնական պայմանների 6.1. հոդվածի համաձայն տեղեկությունների բացահայտման հետևանքով պատճառված որևէ վնասի համար:

7. Անհաղթահարելի ուժի ազդեցություն (ՖՈՐՄ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել:

Ստորագրվել է 2011 թ. 03.01. Երևան ք. Կոմիտասի պող. 100 համարի ՎՊՈՒՄԻ ընդհանուր իրավասության դատարանում

Ստորագրվել է 2011 թ. 03.01. Երևան ք. Կոմիտասի պող. 100 համարի ՎՊՈՒՄԻ ընդհանուր իրավասության դատարանում